



Comune di Quartu Sant'Elena
Comunu de Quartu Sant'Aleni

Progetus po "Ex Fornaci" e po "Ex Distillerie", s'Aministratzioni s'atòbiat paris cun is portadoris de interessu

S'Aministratzioni comunali de Quartu sighit cun sa cualificatzioni noa de "Ex Fornaci Picci" de is "Ex Distillerie Capra". Is progetus studiaus po su recùperu de is duus fabricaus industrialis punnant a propostas noas de investimentu paris cun is privaus po sa produtzioni e po is servìtzios.

Po custu serbit finas su traballu de is operadoris econòmicus e de is investidoris. Po agatai sugetus interessaus a unu partenariau pùblicu-privau e po nd'arriciri propostas, s'Aministratzioni comunali at cumentzau is consultatzionis preliminaris de mercu, in su mesi de maju, e po cenàbara, su 14 de su mesi de làmpadas 2024, at aprontau una dii informativa po is portadoris de interessu.

S'apuntamentu est in sa Sala de is pinturas de s'Ex Cunventu de is Paras, in bia Brigata Sassari n.2, cumentzendi de is noioras de mengianu. S'ant a presentai is interventus de recùperu e is progetus prevèdius.